



Reykjavík, 24. mars 2026
MSS26020040

Borgarráð
Ráðhús Reykjavíkur

Samþykkt skóla- og frístundaráðs um að lengja opnunartíma félagsmiðstöðva

Á fundi skóla- og frístundaráðs þann 23. mars 2026 var lagt fram bréf skrifstofu borgarstjórnar, dags. 11. febrúar 2026, þar sem svohljóðandi tillögu fulltrúa í ungmennaráði Laugardals, Bústaða og Háaleitis, sbr. 3. lið fundargerðar borgarstjórnar frá 10. febrúar 2026, var vísað til meðferðar skóla- og frístundaráðs ásamt minnisblaði sviðsstjóra skóla- og frístundasviðs, dags. 13. mars 2026:

Lagt er til að borgarstjórn samþykki að fela skóla- og frístundasviði að lengja opnunartíma félagsmiðstöðva til kl. 22:00 á mánudögum og miðvikudögum og á föstudagskvöldum til kl. 22:30 og bæta jafnframt við einni kvöldopnun á viku. Breytingin taki gildi frá og með hausti 2027.

Greinargerð fylgdi tillögunni.

Skóla- og frístundaráðsfulltrúar Samfylkingarinnar, Pírata, Flokks fólksins og Vinstri grænna lögðu fram svohljóðandi breytingatillögu:

Lagt er til að fela skóla- og frístundasviði að lengja opnunartíma félagsmiðstöðva til kl. 22:00 á mánudögum og miðvikudögum. Breytingin taki gildi frá og með hausti 2026.

Tillagan var samþykkt svo breytt og vísað til borgarráðs.
Tillögunni er hér með vísað til borgarráðs.

Jökull Logi Sigurjónsson og Ása Kristín Einarsdóttir tóku sæti á fundinum undir þessum lið.

Skóla- og frístundaráðsfulltrúar Samfylkingarinnar, Flokks fólksins og Vinstri grænna lögðu fram svohljóðandi bókun:

Samstarfsflokkarnir eru sammála ungmennaráði Laugardals, Bústaða og Háaleitis um að það sé mikilvægt að lengja og auka við opnunartíma félagsmiðstöðva. Ungmennaráðið leggur til að breytingar á opnunartímum félagsmiðstöðva taki ekki gildi fyrr en haustið 2027. Samstarfsflokkarnir vilja gjarnan gera þessar breytingar í skrefum og leggja því fram breytingatillögu um að strax haustið 2026 verði opnunartími félagsmiðstöðva lengdur á mánudögum og miðvikudögum.

Skóla- og frístundaráðsfulltrúi Viðreisnar lagði fram svohljóðandi bókun:



Fulltrúi Viðreisnar harmar að ekki hafi verið betur hægt að mæta tillögu fulltrúa ungmennaráðs Laugardals, Bústaða og Háaleitis. Að bæta við einni kvöldopnun gæti verið veruleg bót í lífi margra ungmenna. Öruggur samastaður í heilbrigðu umhverfi er lykilstoð sem við viljum veita ungmennum á uppvaxtarárum og hefur það margsýnt sig í rannsóknum að öflugt forvarnarstarf stuðlar að bættu samfélagi, bæði í dag og síðar meir á æviskeiði ungmenna. Einnig þykir fulltrúanum full ástæða til að skoða enn frekari opnanir fyrir börn á aldrinum 10 til 12 ára sem í dag fá ansi takmarkaða þjónustu á vettvangi félagsmiðstöðva. Það er áhyggjuefni í ljósi þess að börn á miðstigi stunda áhættuhegðun í meira mæli en áður og þurfa þau gott utanumhald sem þau fá ekki í dag. Hópur þessara ungmenna gekk í gegnum mikil félagsleg mótunarár á lokunartímum vegna heimsfaraldurs og þörfin til að styðja þau því gífurleg og mikið áhyggjuefni að ekki séu þegar sýnileg áform um að grípa hér inni.

Áheyrnarfulltrúi framkvæmdastjóra frístundamiðstöðva lagði fram svohljóðandi bókun:

Áheyrnarfulltrúi framkvæmdastjóra frístundamiðstöðva þakkar ungmennaráði fyrir góða kynningu um þeirra hjartans mál sem er opnunartími félagsmiðstöðva. Áheyrnarfulltrúi fagnar því að hlustað sé á raddir ungmenna sem hafa frá því að ákvörðunin var tekin bent á að ekki var haft samráð við þau um þeirra málefni sem var miður. Áheyrnarfulltrúi tekur undir með ungmennum að fá 15 mínútna opnun félagsmiðstöðva til baka. Grunnskólar í Reykjavík hafa seinkað skóladegi til að koma til móts við þörf á betri nætursvefni sem er til góða en þáverandi meirihluti hafði það sem sín helstu rök við að stytta opnun félagsmiðstöðva. Félagsmiðstöðvastarf er ein af grunnstoðum í uppeldisstarfi barna og unglinga og mikilvægt að bæta frekar í en draga úr líkt og gert var. Mikilvægt er að halda áfram að vinna í því að auka starf fyrir börn á aldrinum 10-12 ára og bæta við fleiri kvöldopnunum í félagsmiðstöðvum.

Áheyrnarfulltrúi Reykjavíkurráðs ungmenna lagði fram svohljóðandi bókun:

Það að opnunartími félagsmiðstöðva verður aftur lengdur til tíu um kvöld eru mikilvægar og góðar fréttir. Það hefur oft verið sagt bæði á vettvangi Reykjavíkurráðsins, ungmennaráða og almennt hjá unglingum að það hefur verið leiðinlegt að opnunartími var stytur og það án samráðs við ungmenni. Nú hefur sú ákvörðun verið tekin til baka og fagna ungmenni því og að hlustað sé á þau.

Virðingarfyllt

Steinn Jóhannsson
sviðsstjóri skóla- og frístundasviðs

Hjálagt;



Tillaga ásamt greinargerð, dags. 11. febrúar 2026
Minnisblað, dags. 13. mars 2026
Breytingartillaga, dags. 17. mars 2026



Skóla- og frístundasvið
Borgartún 12-14
105 Reykjavík

Reykjavík, 11. febrúar 2026
MSS26020040
HSG

Hér með sendist útskrift úr fundargerð borgarstjórnar frá 10.2.2026 varðandi eftirfarandi mál:

Tillaga fulltrúa í ungmennaráði Laugardals, Bústaða og Háaleitis um að lengja og auka við opnunartíma félagsmiðstöðva

Lögð fram svohljóðandi tillaga Jökuls Loga Sigurjónssonar, fulltrúa í ungmennaráði Laugardals, Bústaða og Háaleitis:

Lagt er til að borgarstjórn samþykki að fela skóla- og frístundasviði að lengja opnunartíma félagsmiðstöðva til kl. 22:00 á mánudögum og miðvikudögum og á föstudagskvöldum til kl. 22:30 og bæta jafnframt við einni kvöldopnun á viku. Breytingin taki gildi frá og með hausti 2027.

Greinargerð fylgir tillögunni.

- Kl.15:54 vikur Einar Þorsteinsson af fundi og Ásta Björg Björgvinsdóttir tekur þar sæti.

Vísað til meðferðar skóla- og frístundaráðs.

Dís Sigurgeirsdóttir
e.u.



Reykjavík

Tillögur og greinargerðir vegna fundar Reykjavíkurráðs ungmenna

með borgarstjórn Reykjavíkur

10. febrúar 2026

2) Jökull Logi Sigurjónsson, fulltrúi í ungmennaráði Laugardals, Bústaða og Háaleitis

Tillaga fulltrúa í ungmennaráði Laugardals, Bústaða og Háaleitis um að lengja og auka við opnunartíma félagsmiðstöðva:

Lagt er til að borgarstjórn samþykki að fela skóla- og frístundasviði að lengja opnunartíma félagsmiðstöðva til kl. 22:00 á mánudögum og miðvikudögum og á föstudagskvöldum til kl. 22:30 og bæta jafnframt við einni kvöldopnun á viku. Breytingin taki gildi frá og með hausti 2027.

Greinargerð:

Kvöldopnunartími félagsmiðstöðva er í dag á mánudögum og miðvikudögum frá kl. 19:30 til kl. 21:45 og á föstudögum frá kl. 19:30 til kl. 22:00, þó eru nokkrar félagsmiðstöðvar opnar til kl. 22:30 eða 22:45 á föstudögum. Lagt er til að opnunartími félagsmiðstöðva á mánudögum og miðvikudögum verði lengdur til kl. 22:00 og á föstudögum til kl. 22:30 í öllum félagsmiðstöðvum. Upprunaleg ákvörðun um styttingu opnunartíma árið 2023 var ekki tekin í samráði við ungmenni eða ungmennaráð. Ungmennaráðið leggur jafnframt til að bætt verði við kvöldopnun kl. 19:30-22 annað hvort á þriðjudögum eða fimmtudögum. Tillagan eru ætluð til að auka aðgengi ungmenna að uppbyggilegu tómstundastarfi og efla félagslegt umhverfi þeirra. Einnig er stuðlað að auknu öryggi á kvöldin og dregið úr líkum á áhættuhegðun. Aukinn opnunartími getur bætt jafnræði í tómstundum þar sem fleiri ungmenni geta nýtt sér þjónustuna óháð aðstæðum heima fyrir. Tillagan er í samræmi við óskir ungmenna og styður við aukna þátttöku þeirra í ákvarðanatöku um eigið frístundastarf.



Viðtakandi: Skóla- og frístundaráð

Sendandi: Skóla- og frístundaráðsfulltrúar Samfylkingarinnar, Pírata, Flokks fólksins og Vinstri grænna

Reykjavík, 17. mars 2026

MSS26020040

TILLAGA

Breytingatillaga skóla- og frístundaráðsfulltrúa Samfylkingarinnar, Pírata, Flokks fólksins og Vinstri grænna varðandi opnunartíma í félagsmiðstöðvum

Lagt er til að fela skóla- og frístundasviði að lengja opnunartíma félagsmiðstöðva til kl. 22:00 á mánudögum og miðvikudögum. Breytingin taki gildi frá og með hausti 2026.



Reykjavík



Viðtakandi: Skóla- og frístundasvið Reykjavíkur

Sendandi: Steinn Jóhannsson, sviðsstjóri skóla- og frístundasviðs

Reykjavík, 13. mars 2026

MSS26020040

MINNISBLAÐ

Varðandi tillögu fulltrúa í ungmennaráði Laugardals, Bústaða og Háaleitis um að lengja opnunartíma félagsmiðstöðva

Á fundi borgarstjórnar 10. febrúar 2026 var lögð fram svohljóðandi tillaga Jökuls Loga Sigurjónssonar, fulltrúa í ungmennaráði Laugardals, Bústaða og Háaleitis sem var vísað til meðferðar skóla- og frístundaráðs:

Lagt er til að borgarstjórn samþykki að fela skóla- og frístundasviði að lengja opnunartíma félagsmiðstöðva til kl. 22:00 á mánudögum og miðvikudögum og á föstudagskvöldum til kl. 22:30 og bæta jafnframt við einni kvöldopnun á viku. Breytingin taki gildi frá og með hausti 2027.

Greinargerð fylgdi tillögunni.

Umsögn skóla- og frístundasviðs

Árið 2023 var tekin ákvörðun um að stytta opnunartíma félagsmiðstöðva úr kl. 22.00 til kl. 21.45. Teknar voru kr. 11 milljónir úr fjárhagsramma félagsmiðstöðva frá árinu 2024. Fulltrúi ungmennaráðs Laugardals, Bústaða og Háaleitis lagði fram tillögu á fundi Reykjavíkurráðs ungmenna með borgarstjórn Reykjavíkur 10. febrúar s.l. að lengja opnunartímann til kl. 22 eins og áður var.

Í greinargerð ungmennaráðsfulltrúans kom fram að upprunaleg ákvörðun um styttingu opnunartíma árið 2023 hafi ekki verið tekin í samráði við ungmenni eða ungmennaráð. Jafnframt var lagt til að bætt verði við viðbótar kvöldopnun kl. 19.30-22 annað hvort á þriðjudögum eða fimmtudögum. Tillögunni fylgdi sá rökstuðningur að með henni væri verið að auka aðgengi ungmenna að uppbyggilegu tómstundastarfi og efla félagslegt umhverfi þeirra. Einnig að stuðlað væri að auknu öryggi á kvöldin og að draga mætti úr líkum á áhættuhegðun. Aukinn opnunartími bæti jafnræði í tómstundum þar sem fleiri ungmenni geti nýtt sér þjónustuna óháð aðstæðum heima fyrir. Tillagan er í samræmi við óskir ungmenna og styður við aukna þátttöku þeirra í ákvarðanatöku um eigið frístundastarf.



Kostnaður vegna þessa þ.e. að lengja opnunartíma núverandi kvöldopnana til kl. 22.00 eru kr. 12,5 milljónir á núvirði á heilsársgrundvelli. Skóla- og frístundasvið mun leita leiða til að þessi upphæð muni rúmast innan fjárheimilda sviðsins.



Reykjavík